



Publicaziuns officialas dils 10-08-2018

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 64/2018

Clau Martin ed Isabelle Degonda, 7176 Cumpadials; sanar e colurar fatschadas sid, nord ed ost dil baghetg nr. 157 sin parcella nr. 3129 a Cumpadials-Caharli.

Nr. 73/2018

Massimo Baccalà, 7176 Cumpadials; remplazzar cuvrída dil tetg e canal dil tetg, sanaziun dils quaders dil tetg vid ils baghetgs nr. 132 e 132A sin parcella nr. 3177 a Cumpadials-Curtinatsch.

Nr. 74/2018

Pleiv Sumvitg, 7173 Surrein; lavurs da manteniment vid il sontget nr. 110 sin parcella nr. 4908 a Cumpadials-Sontget.

Nr. 75/2018

Pleiv Sumvitg, 7173 Surrein; lavurs da manteniment vid il sontget sin parcella nr. 5136 a Sumvitg-Sontget.

Nr. 76/2018

Christian Monn, 7172 Rabius; sanaziun dil mir avon tegia sin parcella nr. 4217 a Sumvitg-Tschechs.

Nr. 77/2018

Claudia Walder, 7172 Rabius; colurar ils barcuns, la fatschada e las finiastras dil baghetg nr. 539 sin parcella nr. 170 a Sumvitg-Runs.

Nr. 78/2018

Astrid Duff, 7175 Sumvitg; montar ina stora da sulegl sil balcon dil baghetg nr. 83 sin parcella nr. 1652 a Sumvitg-Via Sursilvana.

Nr. 79/2018

Clara Desax-Tuor, 7000 Cuera; sanaziun dil tetg dil cheminé sin parcella nr. 347 a Rabius-Foramboren.

Nr. 80/2018

Martin Cathomas, 7173 Surrein; ulivaziun dalla via cun deponer material sin parcella nr. 1487 a Surrein-Puzzastg.

Nr. 81/2018

Othmar Bösch ed Alfons Maissen, 8545 Rickenbach/7174 Sogn Benedetg; sanaziun dalla cuvrída avon garascha sin parcella nr. 969 a Sogn Benedetg-Via sur Val.

Nr. 84/2018

Alois Bearth, 7152 Sagogn; sanaziun ed izolaziun dil tetg dil baghetg nr. 562B sin parcella nr. 4294 a Surrein-Acla Mulin.

Nr. 85/2018

Vischnaunca Sumvitg, 7175 Sumvitg; sanaziun dall'illuminaziun publica dils vitgs da Cumpadials e Laus.

Sumvitg, 10-08-2018

Cumissiuun da beghegiar

Scamond general da far fiug el liber

L'actuala aura da stad cun la schitgira ha augmentau considerablamein il prighel da fiug. Sin recumandaziun digl uffeci d'uaul e prighels dalla natira sco era dall'Assicuranza d'edificis ha la suprastanza communal decidu da mantener il scamond general da far fiug.

En vesta allas festivitads digl 1. d'uost fagein nus attents ch'igl ei scumandau d'envidar fiugs bengals e fiugs el liber e quei sigl entir intschess dalla vischnaunca da Sumvitg.

Generelles Feuerverbot im Freien

Wegen des warmen Sommerwetters und der Trockenheit steigt die Gefahr von Wald- und Flurbränden weiter an. Auf Empfehlung des Amtes für Wald und Naturgefahren sowie auch der Gebäudeversicherung Graubünden hat der Gemeindevorstand beschlossen, das generelle Feuerverbot im Freien weiterhin aufrecht zu erhalten.

Im Hinblick auf den Nationalfeiertag ist das Abbrennen und Abfeuern von Feuerwerkskörpern sowie das Entfachen von Feuer im Freien auf das ganze Gemeindegebiet Sumvitg verboten.

Sumvitg, 10-08-2018

Suprastanza communal Sumvitg

Sanaziun dalla via dall'alp Glivers

Gliendisdis, ils 13-08-2018 vegn entschiet cun las lavurs vid la via dall'alp Glivers. Las lavurs cuozzan entochen la fin dil meins october. Duront quei temps resta la via serrada mintgamai naven da gliendisdis entochen venderdis naven dallas 07.00 entochen las 18.00 uras. Duront la notg, ils dis da firau e la fin d'jamna ei la via aviarta.

Nus engraziein per Vossa capientscha. Ulteriuras informaziuns survegnis Vus directamein dil selvicultur Flurin Cathomas (tel. 079 681 19 67) ni dil menader da construcziun Martin Alig (tel. 079 682 96 24).

Sumvitg, 10-08-2018

Departament forestal

Serrada dalla Via Curtinatsch a Cumpadials

Muort lavurs da sanaziun sto la Via Curtinatsch a Cumpadials vegnir serrada naven da gliendisdis, ils 13 d'uost allas 7.00 tochen venderdis ils 17 d'uost allas 18.00 per tut il traffic. Quei pertucca il tschancun naven dalla cruschada cun la via cantunala (Pensiun Degonda) tochen tier il baghetg nr. 130. Vischinas e vischins da Curtinatsch han access sur Surrein. Per ulteriuras informaziuns saveis sevolver tier signur Mario Matter dil biro d'inschigniers Casutt Wyrsh Zwicky, telefon 081 920 80 56. Nus supplichein da prender enconuschienscha da quest avis ed engraziein cordialmein per Vossa capientscha.

Sumvitg, 10-08-2018

Departament da traffic

Archiv cultural Sumvitg viseta Museum La Truaisch a Sedrun

Igl archiv cultural Sumvitg envida sonda, ils 25 d'ust 2018 dallas 13.00 entochen allas 17.00 ad ina viseta al Museum La Truaisch a Sedrun. La partenza ei allas 13.00 naven da Surrein, parcadi Plazzas. Tgi che vul prender part da quell'exkursiun duei far aschi bien e s'annunziar tier Walter Deplazes 081 943 25 60 ni per mail walter@deplazes.ch per saver organisar il transport.

La suprastonza selegra sin ina gronda participaziun.

Sumvitg, 10-08-2018

Suprastonza Uniun archiv cultural Sumvitg

Beach Sport Plaun Petschen, Cumpadials

Turnier da ballareit/Beach-Volley e da ballapei/Beach-Soccer, sonda, ils 18 d'ust 2018.

Informaziuns detagliadas e formular d'annunzia: www.plaunpetschen.ch ni lucas.tuor@icloud.com, 079 759 32 22